

73. Aðalfundur Leikfélags Selfoss haldinn í leikhúsinu við Sigtún 12. maí 2021 kl. 20:00

Guðný Lára Gunnarsdóttir formaður setti fundinn og stakk upp á Sigríði Karlsdóttur sem fundarstjóra og Hrafnhildi Karlsdóttur sem fundarritara og var það samþykkt.

1. Hrafnhildur Karlsdóttir las fundargerð síðasta aðalfundar sem var samþykkt samhjóða.
2. Guðný Lára flutti skýrslu stjórnar. Nýkjörin stjórn Leikfélags Selfoss tók til starfa á sínum fyrsta fundi þann 18. júní 2020 undir forystu Guðnýjar Láru Gunnarsdóttur formanns. Skipti stjórn með sér verkum með eftirfarandi hætti: Sigrún Sighvatsdóttir varaformaður, Sigríður Hafsteinsdóttir ritari, Svanhildur Karlsdóttir gjaldkeri og Birgitta Brynjarsdóttir meðstjórnandi. Í varastjórn sátu Stefán Ólafsson, Hafsteinn Óskar Kjartansson og Finnur Hafliðason. Haldnir voru 15 fundir og þá nokkrir að auki í netheimum. Á fyrsta fundi leikársins var farið yfir fundarefni aðalfundar á tímum heimsfaraldurs og þótti nokkuð gott að 26 einstaklingar mættu á fundinn og sex nýir félagar skráðu sig formlega í félagið. Einnig var lagt til á aðalfundi að setja aðalfundargerð á heimasíðu félagsins sem var að sjálfsgöðu orðið við og er hún nú aðgengileg almenningi hvenær sem er ásamt skýrslu stjórnar. Skipulögð voru þrjú leikhúsnámskeið sumarið 2020 fyrir börn á aldrinum 7-13 ára. Það er alltaf mikil aðsókn að þessum námskeiðum og færri komast því að en vilja. Að þessu sinni var þó haldið auka námskeið til að koma til móts við þeim fjölda barna sem voru á biðlista. Því enduðum við með að halda fjögur fjögrug námskeið öllum til mikillar gleði. Að vanda mátti sjá brosandir glaða krakka fara heim í lok námskeiðs, stútfull af töfrum og leyndarmálum leikhússins. Leiðbeinendur voru þær Guðný Lára Gunnarsdóttir, Sigríður Hafsteinsdóttir og Rakel Ýr Stefánsdóttir. Haustið 2020 bauð Þjóðleikhúsið upp á ljósanámskeið í samstarfi við Bandalag íslenskra leikfélaga. Einn félagi leikfélagsins sýndi áhuga á að sækja námskeiðið og styrkti leikfélagið þátttöku. Viðkomandi þótti námskeiðið bæði skemmtilegt og fróðlegt. Sú nýbreytni var sett á þetta árið að skipa þau Jónheiði Ísleifsdóttur, F. Ella Hafliðason og Stefán Örn Viðarsson í svokallað húsvarðateymi. Saman hafa þau farið með umsjón yfir ýmsum málum er varða tæknimál og utan um hald á húsnæði félagsins. Stefán Örn bætti svo um betur því hann hefur aðstoðað félagið síðustu ár við að færast nær nútímanum. Síðasta leikár byggði hann upp miðasölukerfi fyrir okkur og smíðaði nýja heimasíðu. Í ár hefur hann aðstoðað stjórn félagsins við að færa sig yfir í nýtt viðmót hjá microsoft og af þeim sökum höfum við sagt skilið við google og þar með talið gmail félagsins. Nýtt email er leikfelagsselfoss@leikfelagsselfoss.is Skipuð hefur verið nefnd innan leikfélagsins sem verður í forsvari fyrir félagið varðandi Menningarsal Árborgar og þá notkun eða tíma sem félagið sér fyrir sér að geta nýtt sér salinn. Ráðinn hefur verið listrænn ráðgjafi til Árborgar að nafni Friðþjófur Þorsteinsson, hann mun í náninni framtíð funda með nefndinni og horfa þá sérstaklega til leiklistar og tónlistar í okkar samskiptum. Friðþjófur hefur nú þegar sett sig í samband við formann félagsins Guðný Lára Gunnarsdóttur og tjáði hann henni að hann væri nú alls ekki alveg ókunnur félaginu því hann hafi eitthvað aðstoðað hér áður við Kambránið og Chekov sögurnar. Nefndina á vegum LS skipa þau: Guðfinna Gunnarsdóttir, F. Elli Hafliðason, Sigrún Sighvatsdóttir, Stefán Örn Viðarsson og Guðný Lára Gunnarsdóttir. Lítil starfsemi hefur verið hjá félaginu þetta leikárið enda hefur heimsfaraldur einfaldlega lamað eða hægt á allri heimsbyggðinni meira og minna. Við höfum þó ekki alveg látið deigan síga því við höfum einstaka sinnum stokkið til með bros á vör og auðvitað miklum látum þegar hægt er, nú eða leikið á veiruna með nútímatækninni. Jólakvöld félagsins var einmitt með óvenjulegum hætti í ár því ómögulegt var með öllu að bjóða fólk velkomið í leikhúsið sökum samkomutakmarkanna. Brugðið var á það ráð að gera eitthvað alveg nýtt með tæknina í

fararbroddi. Nokkrir félagar tóku sig saman og skipulögðu spuna gjörninginn „Leitin að jólakvöldi LS“ og sýndu auðvitað í beinu streymi í gegnum facebook. Grýla keyrði á milli staða með Stúf og Jólakisa í leit að jólakvöldinu, þau heimsóttu ýmsa leikfélaga og fengu sögur, söng, leikrit, smákökur og allskonar jólalegt á hverjum stað. Gjörningurinn þótti takast vel og var almenn ánægja úti í samfélaginu og ekki síður í netheiminum. Gjörningurinn fékk um 2100 áhorf og voru áhorfhendur í öllum landsfjórðungum og einhverjir jafnvel utan landsteinanna. Því miður þurfti þó að aflýsa haustfundi LS, Hugarflugi og Djöflaeyjunni. Eins og svo margir vita var okkar frábæra Djöflaeyja sett á ís þann 13. mars 2020, ætlunin var að taka upp þráðinn aftur um leið og hægt væri. Ýmislegt var reynt á þessu leikári til að hefja sýningar að nýju en alltaf var þó heimsfaraldurinn skrefi á undan okkur og einnig voru leikarar farnir að týnast úr lestinni í önnur störf og jafnvel aðra landshluta. Því má segja að faraldurinn hafi haft okkur undir að lokum. Á vormánuðum 2021 var sú dramatíska ákvörðun tekin, með miklum trega, að sýningar Djöflaeyjunnar hefðu runnið sitt skeið og yrðu því miður ekki fleiri. Stjórnin skipulagði þá námskeiðaröð sem enda átti á stuttverkahátíðinni Hugarflug. Eins og komið hefur fram var Hugarflugi aflýst en það var gert vegna aukinna smita í samfélaginu. Karl Ágúst Úlfsson lét þó heimsfaraldur ekki stoppa sig við að koma til okkar í janúar með leikritunarnámskeið. Uppselt var á námskeiðið, nokkur ný andlit birtust og fólk hafði á orði að þetta hefði verið bara alveg frábært í alla staði. Í mars kíkti svo okkar frábæra Kristjana Stefáns söngkona til okkar með “Complete vocal technique” námskeið og með henni í för var Stefán Örn Viðarsson sem sá um undirleik hjá söngfuglunum sjö sem sóttu námskeiðið. Nokkrir skráðu sig sem áhorfendur í sal og mátti sjá þó nokkur ný andlit. Námskeið sem þessi eru gullsigildi fyrir okkar félag og skila alltaf til okkar einhverjum tögnum s.s. eins og nýjum félögum reynslu, öryggi, leikritum og ýmsu fleiru. Þó nokkrar fyrirspurnir í gegnum árin hafa borist stjórn um að fá húsið lánað undir allskonar listtengda viðburði. Yfirleitt getum við orðið við flestum þessum fyrirspurnum en starfsemi félagsins gengur þó alltaf fyrir. Í ár voru þessar fyrirspurnir mjög fáar en kærkomnar. Nemendur í leiklistarvali úr 7. bekk í Sunnulækjarskóla komu í heimsókn í janúar, fengu kynningu á starfsemi leikhússins og fengu svo í framhaldinu að skoða húsið hátt og lágt. Guðfinna Gunnarsdóttir fékk afnot af húsinu í apríl og maí og kenndi leiklist á vegum F.Su. Hugmyndin var að sýna svo leikrit í lokin í samstarfi við LS, en á tímabili var það þó orðið tvisýnt vegna aukinna smita í okkar nær samfélagi. Í byrjun maí bar þó til tíðinda því hópurinn náði loksins að sýna verkið sitt R+J=ÁST. Í hús komu 36 ánægðir gestir, Jónheiður Ísleifsdóttir aðstoðaði við ljós og önnur tæknimál og Sigríður Hafsteinsdóttir var í móttökunni og skráði nöfn og kennitölur áhorfenda samviskusamlega niður líkt og sóttvarnarlög gerðu ráð fyrir. Ýmislegt er að fréttu af endurbótum á húsinu í ár. Nýr bráðabirgða kjölur og snjógildir voru sett á þak í byrjun árs. Það vantar stormjárn og erfitt er að fá menn í verkið vegna asbests í þaki. Ákveðið var að fresta því að fjarlægja asbestið þar til nýtt anddyri yrði byggt. Verkfræðingar hafa tekið árið í að teikna upp m.a. hugmynd að nýju anddyri og hugsanlegri útidyrhurð úr kjallara. Stjórn félagsins sendi athugasemdir aftur til Árborgar vegna teikninganna og hefur nýlega fengið spennandi fréttir að ofan því planið er að klára allar teikningar og hönnun á nýju anddyri og setja í útboð í haust. Stjórn á eftir að fá kynningu á nýjum teikningum en formaður hefur heyrt af spennandi viðsnúningi í málinu. Hugsanlega verði bílastæðið bakatil nýtt betur fyrir félagið og að anddyri hússins snúi þá í átt að ánni. Hvað sem öllu líður þá lítur út fyrir spennandi tíma varðandi húsnæði félagsins. Tekin var ákvörðun um að sækja um stöðuleyfi fyrir gám félagsins við leikhúsið. Málið er í vinnslu, en það er klárt mál að við fáum gáminn okkar heim að lokum.

Gummi í Túni og Stefán Ólafs tengdu útiljós við bakdyr og bílaplan að aftan og þá þurfti einnig að kalla til pípara í janúar þar sem nemendur Karls Ágústar Úlfssonar voru hreinlega að frjósa í hel. Kom þá í

Ljós að inntakskraninn var fastur og þarf að passa að hreyfa hann til annað slagið svo það gerist ekki aftur. En fram undan er sól og sumar og vonandi svo veirufrítt fallett haust! Stjórn félagsins hefur fest leikstjóra fyrir næsta leikár og játast öðrum fyrir þarnaesta leikár, þetta verður þó allt tilkynnt síðar. Skipulögð hafa verið sex leikhúsnámskeið fyrir börn í sumar. Leiðbeinendur verða þær Sigríður Hafsteinsdóttir, Guðný Lára Gunnarsdóttir og Halldóra Öfjörð. Að auki stefna að minnsta kosti sex spenntir félagar á leiklistarskóla Bandalags Íslenskra leikfélaga í sumar.

Stjórn Leikfélags Selfoss vill þakka öllum fyrir samstarfið, skilninginn og samstöðuna á leikárinu sem er að líða og horfir björtum jákvæðum augum í átt til framtíðar.

Skýrsla stjórnar var samþykkt með öllum greiddum atkvæðum.

3. Sigrún Sighvatsdóttir og gerði grein fyrir reikningum félagsins. Í athugasemd félagslegra endurskoðenda með reikningum segja þær Eygló Lilja og Þóra; „Höfum yfirfarið reikninga og ekkert fundið athugasemdir. Sorglegt að ykkar frábæra sýning á Djöflaeyjunni hafi vegna veirunnar fallið niður. Vonandi kemur betri tíð með blóm í haga“. Nokkrar spurningar voru vegna reikninga, m.a. kom fram að aðeins voru þrjár sýningar á Djöflaeyjunni og því var töluvert tap á þeirri sýningu. Sótt var um Covid styrk til Bandalags Íslenskra leikfélaga og hefur hann þegar verið greiddur. Reikningarnir voru samþykktir samhljóða.

4. Inntaka nýrra félaga, þeir eru:

1. Ingólfur Matthíasson, Hafnargötu 4, 825 Stokkseyri.
2. Kjartan Björnsson Hlaðavöllum 6, 800 Selfossi.
3. Rebekka Lind Jónsdóttir, Kirkjuvegi 21, 800 Selfossi.

Nýjum félögum var fagnað vel með góðu lófaklappi.

Engar lagabreytingar láu fyrir fundinum. Lögð var fram tillaga stjórnar varðandi breytingar á skipuriti. Breytingin er viðbót sem er svohljóðandi; „Önnur almenn störf eru verðir sem halda utan um ákveðna þætti innan leikfélagsins. Stjórn Leikfélags Selfoss fundar með öllum fulltrúum einu sinni á ári“. Tillagan var samþykkt. Í framhaldi af þessari samþykkt var lögð fram tillaga að Siðareglum Leikfélags Selfossi. Fram kom að siðareglurnar hafi verið lengi í smíðum en eru nú lagðar fram. Guðný Lára bar upp tillögu að Siðareglum Leikfélags Selfoss;

Siðareglur: Leikfélag Selfoss er áhugaleikfélag sem starfar með fólki á öllum aldri sem áhuga hefur á leiklist. Mikilvægt er að allir sem starfa með leikfélaginu taki siðferðilega ábyrgð í störfum sínum með félaginu, að samskipti einkennist af viðringu og samvinnu. Siðareglur þessar eiga við um alla starfsemi félagsins og gilda um alla sem starfa með félaginu.

Leikfélagar:

1. Leika saman.
2. Efla með sjálfum sér og öðrum virðingu fyrir sjálfum sér, öðrum, umhverfi og menningu.
3. Sýna hver öðrum virðingu, áhuga og umhyggju.
4. Skapa góðan starfsanda í leikhúsinu.
5. Veita og taka við uppbyggilegri gagnrýni.
6. Hafa jafnrétti að leiðarljósi.

7. Koma vel fram við aðra og virða rétt hvers annars.
8. Sýna hver öðrum, leikfélaginu og leikhúsinu fulla virðingu í ræðu, riti og framkomu.

Stjórn leikfélags Selfoss:

1. Vinnur gegn fordómum, einelti og öðru ranglæti sem leikfélagar verða fyrir.
2. Kemur saman og ályktar um erfið mál sem upp geta komið í leikhúsinu.
3. Gætir trúnaðar við leikfélaga og þagmælsku um einkamál þeirra sem hún vær vitneskju um í starfi sínu.
4. Vinnur með samstarfsfólki á faglegan hátt.
5. Vinnur af fullum heilindum og heiðarleika að uppsetningu leiksýninga og öðru starfi leikfélagsins.
6. Getur vísað málum sem upp kunna að koma um alvarlegt glæpsamlegt athæfi innan leikfélagsins til viðeigandi yfirvalda svo sem lögreglu.

Síðareglurnar voru samþykktar samhljóða.

5. Stjórnarkjör. Guðný Lára Gunnarsdóttir bauð sig fram til áframhaldandi formannsstarfa, engin mótframboð bárust og er hún því sjálfkjörin formaður Leikfélags Selfoss. Sigrún Sighvatsdóttir og Sigríður Hafsteinsdóttir sitja áfram í stjórn. Svanhildur Karlsdóttir og Birgitta Brynjarsdóttir hafa verið í tvö ár í stjórn og eiga því að ganga því úr stjórn. Því þurfti að kjósa tvo nýja stjórnarmenn. Birgitta Brynjarsdóttir gaf kost á sér til áframhaldandi starfa í stjórn. Einnig gaf Finnur Hafliðason kost á sér. Ekki bárust fleiri framboð þannig að þau Finnur og Birgitta sitja í aðalstjórn til tveggja ára.
Þá var komið að kjöri í varastjórn, Hafsteinn Óskar Kjartansson og Stefán Ólafsson buðu sig fram til áfrmahaldandi starfa í varastjórn. Þá var stungið upp á Rebekku Lind Jónsdóttur og Þóru Þorsteinsdóttur. Því var gengið til kosninga, kosningu hlutu, Rebekka Lind, Þóra og Stefán.
6. Kosning félagslegra skoðunarmanna reikninga. Eygló Gráns og Þóra Grétarsdóttir hafa gengt þessu embætti í langan tíma og gáfu kost á sér áfram. Það var samþykkt samhljóða og fagnað með lófaklappi.
7. Árgjald. Stjórn lagði til að árgjald héldist óbreytt. Það var samþykkt samhljóða.
8. Önnur mál.
 - Sigríður Hafsteinsdóttir tók fyrst til máls og skilaði kveðju frá Gerði Sigurðardóttur, hún óskaði nýrri varastjórn til hamingju og þakkaði Hafsteini góð störf í varastjórn. Sigríður sagði frá því að engin breyting verður á sumarnámskeiðum fyrir börn í ár. Sex námskeið verða haldin í ár, færri komast yfirleitt að en vilja, enda eru námskeiðin ávallt eftirsótt. Námskeiðin eru auglýst í gegnum sumarnámskeið í Árborg. Vonast er til að hægt verði að halda gott unglínganámskeið á nýju leikári.
 - Birgitta Brynjarsdóttir tók til máls og ræddi um samfélagsmiðla leikfélagsins og kynnti hvernig þeir eru nýttir til að upplýsa félagsmenn og aðra áhugasama um starfseminna.

- Stefán Ólafsson sagði frá Leiklistarskóla Bandalagsins sem starfræktur verður dagana 19.-27. júní að Reykjum í Hrótafirði. Skólinn hefur verið vel sóttur af félögum og kennarar eru reynslumiklir og góðir. Námskeiðin eru fjölbreytt og skemmtileg, leikritun, leiklist, baktjaldanámskeið, skoða má framboðið á leiklist.is. Hægt er að sækja um styrk til LS eða til verkalýðsfélagsins síns.
- Finnur Hafliðason sagði frá því að loks er vinna við menningarsal Árborgar er komin á skrið. Ráðinn hefur verið ráðgjafi í hönnun, Friðþjófur Þorsteinnsson sem hefur reynslu af hönnun slíkra sala. Fimm manna ráðgjafateymi verður með í ráðum frá LS varðandi leiksýningar. Þessi salur mun nýtast leikfélaginu afar vel varðandi stórar sýningar og viðburði. Við erum mjög spennt fyrir þessu verkefni og fylgjumst spennit með.
- Guðný Lára nýkjörinn formaður þakkaði það traust fyrir að fá að halda áfram sem formaður félagsins. Hún þakkaði stjórnarmönnum sem ganga úr stjórn og hlakkar til að vinna með nýrri stjórn. Hún upplýsti að Gunnar Björn Guðmundsson muni leikstýra á næsta leikári. Einnig sagði hún frá því að haldið verði fjörukt leiknámskeið. Haft var samband við Karl Ágúst Úlfsson leikstjóra sem er tilbúinn til að vera með á þar næsta leikári og verður því haldið opnu.
- Hvar er Eyjólfur? Hann bað um kveðju til Guðmundar.
- Guðfinna Gunnarsdóttir óskaði nýrri stjórn til hamingju og þakkaði góða samvinnu í gegnum árin. Sem formaður BÍL hvetur hún alla sem áhuga hafa á leiklist og því sem er að gerast í leiklist á landinu að fylgjast með á leiklist.is. Þar ert t.d. stærsta handritasafn á landinu, ótal íslensk og erlend handrit sem hægt er að skoða og panta. Þetta er opið öllum – ekki bara leikfélögum. Skólinn í sumar er mikið bókaður en um að gera að athuga hvort hægt er að komast að eða fara á biðlista. Takk fyrir að fá að koma með nemendur í leiklistaráfanga FSU og góðar móttökur fyrir nemendur sem grétu af gleði á bak við tjöldin eftir sýningu, enda viðburður að yfirleitt hafi verið hægt að frumsýna eitthvað á þessum síðustu og verstu tímum.
- Hafsteinn Óskar óskaði nýrri varastjórn til hamingju með kjörið og þakkaði samstarfið í varastjórn.
- Kjartan Björnsson nýr félagi í LS, kom í pontu og sagðist lengi hafa ætlað að ganga í félagið. Hann óskaði nýrri stjórn til hamingju og þakkaði fráfarandi stjórn. Hann sagði ekki vera mikla leiksigra í lífi sínu, en einu sinni í gamla skátaheimilinu lék hann í „Skyslettunni“ og árið eftir Jósef á móti henni Maríu. En í þessu gagnmerka húsi má segja ótal sögur frá iðnskólanum og ótal sögur frá leikfélaginu. Bæjarstjórn hefur lagt mikla áherslu á að leikfélagið hafi þetta hús til umráða og það verði áfram heimaverstöð leikfélagsins. Menningarsalurinn er búinn að vera eins og allir vita mikil þrautarganga, stórt svið, fjöldi sæta og ótal margt fleira séu sóknarfæri fyrir LS. Vinna er nú í gangi með salinn, verið er að finna út hvernig salurinn á að virka varðandi leiklist, tónlist, hljónvist, það er í forhönnun. Í lok árs 2023 verður menningarsalurinn vonandi tilbúinn. Skóflustunga var tekin 1972 þannig að þetta er tímabært. Kjartan talaði um að mikilvægt væri að skanna ljósmyndir frá félaginu, myndir og segja söguna þar með. Hann sagðist hafa alist upp með leikfélaginu t.d. þar sem Gylfi Þór Gíslason frændi hans hafi verið mikill leikfélagsmaður og þannig mikil tenging. Kjartan sagði frá því að hann hafi sótt allar leiksýningar til fjölda ára. Í lokin bauð Kjartan félagsmönnum kynningu um menningarsalinn ef áhugi á slíku er fyrir hendi, hann kunni sögu salarins vel.

Commented [1]:

- F. Elli Hafliðason steig í pontu og sagði að hann hafi leikið 4 sinnum í menningarsalnum og vonast til að áætlanir um verklok standist. Elli bar kveðju frá móður sinni til fundarins. Elli lýsti yfir ánægju með fundinn, það er alltaf fjör að hafa kosningar og gaman að hafa nóg af fólki sem vill sitja í stjórn. Elli þakkaði Svanhildi sérstaklega fyrir ötult starf fyrir LS en hann telur að hún sé sá stjórnarmaður sem hefur lengst setið í stjórn frá upphafi. Elli sagði að helstu draumar um endurbætur á leikhúsinu séu nú að rætast „við getum horft björtum augum til framtíðar“ sagði Elli að lokum.
- Sigrún Sighvatsdóttir kvaddi sér hljóðs og byrjaði á að óska nýjum stjórnarmeðlimum til hamingju með kjörið og þakkaði fyrri stjórn góð störf og þakkaði Svanhildi fyrir ómetanlegt starf í stjórn í gegnum árin.
- Svanhildur Karlsdóttir tók til máls, hún sagði frá því að 1997 kynntist hún manni í Leikfélagi Selfoss, honum Eyjólfí og þá vantaði mann í varastjórn. Hún sló til og er nú búin að vera í stjórn í 21 ár. Hún þakkaði falleg orð til sín. Hún sagðist í fyrstu hafa ætlað að ættleiða Ella - en Jónheiður tók hann.
Fundarmenn risu úr sætum og þökkðu Svanhildir fyrir ómetanlegt og óeigingjarnt starf fyrir Leikfélag Selfoss.

Fleiri kváðu sér ekki hljóðs, Sigríður Karlsdóttir fundarstjóri þakkaði góða fundarsetu og fundarmenn sungu „Geng ég bæjargöngin inn“.

Fundarmenn voru 26
Fundi slitið kl. 22:04

Hrafnhildur Karlsdóttir